



ATASSUT INATSIARTUNI

ATASSUT

UKA 2013/70-1

Siverth K. Heilmann

15.10.13

Maani nunami ilinniartitsisunngorniartarnerup qaffasissusaa nunani killerni ilinniartitsisunngorniartarnerup qaffasissusaanut assersuunneqarsinnaanersoq paasiniarlugu Naalakkersuisut misissueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinermut ilanngunneqassapput ullumikkumut naleqqiullugu ilinniartitsisunngortarnerup qanoq pitsaanerulersinnaaneranut innersuussutit.
(Inatsisartunut ilaasortaq Andreas Uldum, Demokraatit)

Demokraatit sinnerlugit Inatsisartuni ilaasortap Andreas Uldumip siunnersuutigaa Nunatsinni ilinniartitsisunngorniartarnerup qaffasissusaa innersuussutitalimmik misissorneqassasoq.

Siunnersuutitsialak ATASSUT-mit taperserusupparput, pingaaruteqarluinnarpormi meerartatta atuartinneqarnerminni ilinnialerumaarnissaminnut sakkussaannik tuniorarneqarluarlutik ilisimasaminnik annertusaanerisa pitsaanerpaatinneqarnissaa.

Misissuineq innersuussutitalik sioqqunniangikkaluarlugu ATASSUT-mit naliliivugut ullumikkut Kalaallit Nunatsinni ilinniartitsisunngorniartarneq pitsaagaluaqisoq, qularnanngilaq sulii pitsaanerulersinnaasoq, assersuutigiinnarlugu ilinniartitsisut immikkut sammisaqarlutik qaffasissumik ilinniarsimasut amigaataasartut ilisimaneqarpoq.

Assersuutigiinnarlugu ilinniartitsisunngorniartarnermi periarfissat arlaqalersinnaasut, tungaviusumik ilinniartitsisunngorniartarneq sivikinnerusoq aammalu annertusisamik aalajangersimasumik sammiveqarluni ilinniartitsisunngorniartarneq siviisunerusoq periarfissaalernissaat isumarput malillugu takorloorneqarsinnaavoq.



ATASSUT INATSIARTUNI

Taamatutaaq Nunatsinni ilinniartitsisussaaleqineq pissutigalugu ilinniartitsisut amerlasuut piffissap sivikitsup ingerlanerani pigilersinnaanissaat tunngaviginagu pitsaassuseq tunngavigalugu ilinniartitsisunngorniartarnerup aaqqissorneqarsinnaalernissaa ATASSUT-mit kissaatigisatta ilagaat.

Naak massa ilinniartitaanerup qaffassarneqarneranut atatillugu iliuutsit assigiinngitsut Naalakkersuisunit siunnersuummut atatillugu oqaatigineqaraluartut ATASSUT-mit isumaqarpugut siunnersuut tapersersorneqartariaqartoq ingerlariaqqinnissamut sakkussatsialannik pissarsiffiussasoq qularutissaanngimmat.

Taamatut oqaaseqarluta ATASSUT-mit siunnersuut taperserparput inassutigissavarpullu taamak iluseqarluni akuersaarneqassasoq, taamaattorli aamma pisariaqartinneqassappat suliaakkiissuteqartoqarnissaanut Inatsisartut oqallinnissaminnut periarfissaqarnissaat aamma aappassaaneerneqartinnagu Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiititaliamut suliaassanngortinneqarsinnaaneranut amnavugut.